

PRAVO INDUSTRIJSKOG VLASNIŠTVA

Prof. dr. Ismet Alija

Doc. dr. Haris Hasić

Ass. Nihad Čivić

Modaliteti polaganja predmeta Autorsko pravo i srodna prava

Ovaj se predmet može položiti na jedan od dva načina.

Prvi, ili „klasični“ način je efektivno isti kao i povodom drugih predmeta koje slušate ili ste polagali kod istog profesora.

Student na ovaj prvi način može položiti ovaj predmet ako:

- 0-10 bodova: uredno prisustvuje i aktivno učestvuje na redovno zakazanim predavanjima;
- 0-5 bodova: napiše i na vrijeme preda pisani rad (tema i detalji će biti saopšteni na predavanjima te na druge primjerene načine);
- 0-25 bodova: izađe na kolokvij koji će se sastojati od pet esejskih pitanja izabranih sa spiska postavljenih top pitanja a gdje će kolokvijalna provjera znanja pokriti gradivo o kome će student na vrijeme biti obavješten; i
- 0-60 ili 0-85 bodova: izađe na finalnu provjeru znanja (ispit) tokom ispitnih rokova gdje će biti upriličena ili integralna ili provjera nepokrivenog znanja u zavisnosti od prethodnog uspjeha na kolokvij u a esejska pitanja izabrana iz spiska top pitanja.

Drugi način polaganja se sastoji od pisanja istraživačkog rada.

Kako ovaj predmet predstavlja nastavak i produbljenje materije koju je student već temeljito savladao na predmetu Osnovi prava intelektualnog vlasništva, na ovaj način se pruža studentu prilika da temeljito i dubinski istraži jednu posebnu temu od ponudnih tema te da kroz ovaj modalitet polaganja ovog predmeta, pored iznimno detaljnog znanja stekne i dodatno te neprocjenjivo iskustvo istraživanja pravnih instituta i izvještavanja povodom rezultata tih istraživanja a što će sasvim sigurno biti od velike koristi studentu u budućoj karijeri pravnika.

Student na ovaj drugi način može položiti ovaj predmet ako:

- 0-10 bodova: uredno prisustvuje i aktivno učestvuje na redovno zakazanim predavanjima;
- 0-5 bodova: napiše i na vrijeme preda pisani rad (tema i detalji će biti saopšteni na predavanjima te na druge primjerene načine);
- 0-25 bodova: umjesto kolokvija na vrijeme izradi i dostavi fizičku kopiju Upitnika o izradi istraživačkog rada koja će biti postavljena na vrijeme na internet stranici Fakulteta;
- 0-60 bodova: na vrijeme preda i uspješno odbrani istraživački rad na temu koju je student prijavio te koji istraživački rad je student samostalno izradio u skladu sa uputstvom za izradu istraživačkog rada koji će biti na vrijeme postavljen internet stranici Fakulteta.

Da bi polagao na ovaj način student mora prethodno da uredno i na vrijeme prijavi temu profesoru.

Spisak tema će biti postavljen na internet stranici Fakulteta. Student bira temu koju će prijaviti sa tog spiska. Student može osmisliti i drugu temu te sa obrazloženjem predložiti profesoru da radi tu temu. Profesor zadržava pravo prihvatanja ili odbijanja takvih tema.

Tema se može prijaviti **samo i isključivo** lično kod doc. dr. Harisa Hasića (na predavanjima ili u kancelariji). Studenti koji ne pohađaju DL studij ne mogu prijaviti temu emailom!

Neće biti uzete u razmatranje i ocjenjivanje teme koje nisu uredno prijavljene!

Samo jedan student može raditi jednu temu.

Studenti teme rade pojedinačno.

Studenti istraživački rad moraju raditi u skladu sa uputstvima koja će na predavanjima objasniti profesor a čiji sažetak i uputstvo će profesor postaviti na internet stranici Fakulteta.

Teme se moraju obraditi samostalno i lično. Plagijatstvo bilo koje vrste će biti najstrože sankcionisano!

Teme se mogu prijaviti isključivo do kolokvijalne provjere znanja.

Neće se uzeti u obzir teme koje student obradi a koje nije prijavio uspješno i kompletno te na vrijeme profesoru, osim ako profesor isključivo, po slobodnoj ocjeni ne odluči drugačije ad hoc.

Student je potpuno slobodan da se opredjeli za bilo koji od ova dva načina polaganja ovog predmeta. Student ne može da „mješa“ bodove iz različitih načina načine polaganja. Tako, na primjer, student ne može bodove koje je dobio iz trećoj aktivnosti drugog načina da spaja sa četvrtom aktivnosti iz prvog načina (bodove iz upitnika sa bodovima iz ispita).

Studentima koji se opredjele da će polagati ovaj predmet kroz izradu istraživačkog rada se najtoplije sugerira da što ranije se opredjele za ponuđenu temu, da prijave temu, da istražuju temu te da što ranije krenu u izradu teme sukladno uputama i sugestijama vezanim za istu.

Sva pitanja i komentari su dobrodošli!